

kontuola...

KONTUOLA, Idolaz elkarte, ANTZUOLA. Kazetaria: Marijo Deogracias **Erredakzio kontseilua:** Miren Anduaga, Gotzon Iparragirre, Patxi Kortabarria, Jone Larrañaga **Testuen zuzenketak:** Maripi Laskurain, Lierni Legorburu **Telefonoa eta faxa:** 76 65 08, Herri ikastetxea.

Antzuolako hamabostekaria, 15 zenbakia. 1998ko apirilaren 24a.

Aerobica estresaren aurka

Apirilean hasi ziren aerobic saioak Maristetako lokalean

Beroketa ariketekin hasi eta eta musikari jarraituz aerobica egiten dute hogeita hamar bat lagunek astean hiru aldiz. Maristetan elkartzen dira astelehen, eguazten eta eguenetan ordubetez. Estresaren aurka oso ona omen da honelako ariketak egitea.

Orain dela ia hilabete hasi ziren Antzuolako zenbait emakume Marisabel Hurtadoren klaseetan. Bergarar honek urteak daramatza honelako klaseak ematen eta berak dioenez, "zailena mugimenduak koordinatzen ikastea izaten da, baina berehala hartzen da erritmoa. Hala ere, lehen mailako ariketak baino ez ditugu landuko; oso jende ezberdina dago klasean eta guztiek ez dute erraztasun berdina mugimenduak egiteko eta koordinatzeko". Marisabelek Bergaran ere ematen ditu aerobic klaseak bere gimnasioan. Hala ere, Antzuolan bere alaba, Marisabel Otaño, arituko da klaseak zuzentzen. Berak adierazi digunez, "jende gehiago etortzen baldin bada, bi talde osatuko ditugu klaseak probetxugarriagoak izan daitezen".

Herritarren ekimena

Ez da lehenengo aldia gimnasiako klaseak antolatzen direna. Lehen ere Gotzon Del Teso aritu zen astean hiru-tan emakume talde bat zuzentzen. Emakume horietek izan dira aerobic klaseak antolatzen aritu direnak. "Gotzoni esan genion berriz klaseak emateko baina berak ezin zuen, eta bi hilabetean geu bakarrik aritu gara; azkenean udale-



Adina ez da oztopoa aerobica praktikatzeko.

txera joan eta eskaera egin genuen" dio aerobic zaleetako batek. Udalak lokala eta 12.500 PTako dirulaguntza eskaini die hilero irakasleari ordaintzeko. Horrez gain, Udalak lokalak eragiten dituen gastuak hartu ditu bere gain; hala ere, lokala txukuntzea eta garbitzea taldearen esku utzi ditu.

Momentuz emakumeak baino ez dira animatu aerobica praktikatzera. Mari-

sabelek adierazi digunez, ordea, "Bergaran aritzen dira gizonezkoak eta espero dugu hemen ere animatzea". Emakume talde honek atek zabalik dituela adierazi digu.

Dagoeneko 32 lagun ari dira klasean eta beraiek diotenez "maiatz aldera jende gehiago etorriko da; gainera, herrian bertan izanik jendea errazago animatzen da parte hartzera".

■ ■ ■
Jende gehiago etortzen bada, bi talde osatuko dira klaseak probetxugarriagoak izan daitezen
■ ■ ■

Gazinema

Peter Pan filmea eskainiko dute Gazinemakoek datorren domekan, apirilaren 26an, 16:30etan. Maiatzaren batean, jai eguna izateagatik, ez da saiorik egongo. Maiatzaren 8an, eguakitza, izango da Gazinemaren aurtengo azken saioa. 22:00etan *Full Monty* filmea eskainiko dute. Orain aurtengo saioen balorazioa egitea gelditzen zaie.

Kukumarro lehiaketa

Iazko Kukumarro lehiaketaren arrakasta ikusirik, aurten ere antolatu dute kukumarro onenaren sariketa. Izena emateko azken eguna maiatzaren 14a izango da. Parte hartzaileek nahi duten kukumarroa aurkeztu ahal izango dute. Sari banaketa eta erakusketa San Isidro eguneko ospakizunekin batera egingo da, maiatzaren 16an, zapatua.

Bertso paper lehiaketa

Idolazek aurten ere bertso paper lehiaketa antolatu du. Lanak aurkezteko azken eguna maiatzaren 14a izango da eta udaletxean edota liburutegian entregatu daitezke lanak. Lau mailatan banatu dira gaiak. 1987an edo harrezkero jaiotakoek *Paga guztia ez dut gastatzen* gaia izango dute. 1986-83 bitartekoek *Musika talde hori gustoko dut* eta 1982-80koek *Laister etxetik kanpora noa bizitzera*. 1980a baino lehen jaiotakoak, gai librean arituko dira.

Inersoko bidaiak

Herri txikiak edo edatuei zuzendutako bidaiak antolatu ditu Inersok aurten. Andaluziara, Murziara, Balearretara, Kataluniara edo Valentziara joateko bidaiak urritik 1999ko apirilera bitartean izango dira. Izena emateko azken eguna apirilaren 30a, udaletxeko Ongizate Zerbitzuan.

Rokodromoa Maristetan



Dagoeneko hasi dira Maristetako horman eskalatzeko.

Eskaladak duen arrakasta ikusirik, Arrola Mendizale Taldeko gazteek rokodromoa egitea eskatu zuten. Bi hilabetez gela konpontzen eta eskalatzeko panelak eraikitzen aritu den Zigor Perezek adierazi digunez "beste herri batzuetan badaude honelako lekuak. Ez da zaila hau muntatzea eta diru askorik ere ez da behar". Zigorrek azaldu digunez "15 metro karratuko bi panel daude, bata 40 gradukoa eta bestea 25ekoa. Gutxi gora

behera 250 presarekin".

Dagoeneko 15 lagunek eman dute izena rokodromoa erabiltzeko eta euren artean erabakiko dute rokodromoaren funtzionamendua.

Rokodromoa Udalaren laguntzarekin ireki dute eta momentuz bi paretan horiekin arituko dira eskalatzailak. Zigorrek esan digunez "jendea joaten badin bada, ikastaroak antolatzeko asmoa daukagu jende gehiago prestatzeko".



Zuhaitzak botatzen Kostarratzun

Joan den asteburuan zazpi zuhaitz, orain dela 18 urte Antzuolako Udalak sartu zituenak, aizkoraz eta motozerraz moztuak agertu ziren Kostarratzun.



Zurrategi plaza 4, behea ANTZUOLA Tf. eta faxa 78 71 80

Sukalderako eta bainurako altzariak
Altzari rustikoetan
espezializatuak

igok eta Txomin

*Pintura orokorrean.
Paper, tela, binilo, kortxo... estaldurak.
Gotelesa, iztukuak eta
bestelako imitazioak.*

ANTZUOLA
☎ 76 60 39

BERGARA
☎ 76 19 98

Ahuntza pasiatzen

Maskotak oso pertsonalak izaten direla bagenekien baina kalean ahuntzarekin pasiatzen ikustea ez da eguneroko kontua. Orain dela bost bat hilabetetik Jokinek Bragita bere ahuntza pasiatzera ateratzen du. Gaua untzien txabolan pasatzen du ahuntzak eta egunez etxe osteko zelaian egoten da zuhaitzetako ostroak eta belarra jaten. Bizilagunen lorak ere jaten omen ditu Bragitak eta dagoeneko Jokinen izebaren lorontziko lora guztiak jan ditu. Baina Bragita oso azkarrak dela dio Jokinek eta orain izebaren eskailera zaharrera igotzen irakatsi nahi dio. "Elorza, Zeziaga, Bragita eta laurok Donostiara joateko asmoa daukagu uda partean. Alde zaharrean ipiniko gara dirua eskatzen eta diru gutxi botatzen digunari zeken deitu eta bere dirua ez dugula nahi esango diogu".

Amilletatik ekarri zuen ahuntza. "Hamalau antxume zituzten eta guztiak hiltzea pena eman zidan; horregatik bat ekartzea erabaki nuen. Abuztuan Amilletako akerra botatzeko asmoa daukat ea antxumeak izaten dituen".

Adar bareko ahuntza da Bragita, Jokinek dionez "jendeagatik ekarri nuen; zeozertaz berba egin beharra edukitzen du jendeak...; hala ere, adar bareko ahuntza da, adar jotzeak horrenbestekoak izan ez daitezen".



Jokin eta Bragita.

Hiru Truku kontzertuan

Datorren zapatuan, apirilak 25, Hiru Truku, hau da Ruper Ordorika, Joseba Tapia eta Bixente Martinez musikagileak izango dira kontzertuan zinetokian 22:30etatik aurrera.

Hitzaldia Jubilatuetan

Artrosia eta artritisaren inguruan jardungo dute zenbait adituk, datorren eguaztenean, apirilak 29. Hitzaldia Jubilatuetan izango da, arratsaldeko 17:00etan.

Herriko ekintzen erakusketa

lazko kultur eta kirol ekintzen berri emateko argazki erakusketa antolatu dute. Apirilaren 24, 25 eta 26an egongo dira ikusgai udaletxeko areto nagusian 12:00etatik 14:00etara eta 19:00etatik 20:30etara.

Uzárraga-Zumárraga

Udalak jaso du Foru Aldundiak Arizti parean jarritako bide-seinaleari buruz aurkeztutako kearen erantzuna eta seinalea konponduko duela erantzun du.

GURE ARTIAN

Zein iritzi duzu Maiatzaren Lehena ospatzeari buruz?



Jose Mari Seguroa

Gaizki pentsatzen jat langileen egunean lana egitea baina lau errelebotan lan egiten dogu eta egun horretan ere lan egin bihar dot; egutegia horrela dago antolatuta.



Nikolas Garcia

Langileen eguna delako, lana egiten ospatuko dugu. Asteburuetan ere lan egiten dugu eta baiezkoa eman eta gero, bete egin behar duzu, nahiz eta jai izan.



Marijo Rodrigo

Hogei urte dira langileen eguna ospatzen dudala eta behar dela uste dut. Egun horretan ez litzateke lanik egin behar, laister langileoi hori ere ez baitzaigu geratuko.

GOROSTI
Taberna

☎ 76 62 96
Zurrategi plaza ANTZUOLA

ileapaindegia
Aureli
Cot Velasco
Edertze aretoa



Gerta zaitetz udarako eta hartu eguzkia lasai, zure azala Germaine de Capucciniren EGUZKITARAKO LINEAK babestuko du.

Errekalde 2, ANTZUOLA. Tf. 78 71 37

GERMAINE DE CAPUCCINI

Unai eta Iker Euskal Ligako txapelak

Joan zen apirilaren 3an, Bergaran jokatutako partiduan 22 eta 13 irabazi zuten Iker Muruamendiaraz eta Unai Idiakezek. Oraingoan, Euskal Ligako txapelakaren titulua lortu dute. Hurrengo denboraldian, Euskal Ligako ohorezko mailan arituko dira.

Orain dela bi urte hasi zireneten elkarrekin jokatzen baina, noiz hasi zireneten pilotan?

Gazte gaztetatik jokatzen dot pelotan -Unai- zazpi edo zortzi

urtekin hasiko nitzan, orduan futbolian be egitten neban. Ni -Iker- hamar urtekin hasi nitzan pelotan, baiña pelotan bakarrik. Bergarako eskoliakin hasi nitzan eta harekin segitzen dot.

Zaila al da pilotan zerbait lortzea?

Bai, ezta erreza -Iker- lana egin bihar da eta oin onentsuenak gora pasatzen dabitz eta igual hemendik aurrera geu bakarrik geldituko gara. Norgehiagoka haundixa dao baiña aukera gehixao be badago profesioaletara pasatzeko; hala ta be, ona zala erakutsi bihar da eta gaiñera entxuferen bat baldin badaukazu ba, bueno... Guri hor gora heltzia, profesioaletara heltzia gustatuko jakun.

Binakako partiduak jokatzen dituzuela eta nor nahiko zenukete bikote modura?

Ezkio bera -dio Ikerrek-, aspaldittik ezagutzen dogu alkar eta ondo konponitzen gara. Lehen Tolosa gustatzen jaten... Oin Etxaniz bat edo, beti alkarrekin gabitz eta.

Neri Galartza igual -Unai- baiña ez tot pentsau sekula, momentuz Ikerrekin.

Partidurik dibertigarriena?

Salamancan Errasti anaien kontra jokatutako giñuana udako partidu baten. Partidu horrek pixkat "katxondeuan" hartzen dittuzu, berdin da irabazi edo galdu. Partidu ona jokatzen jun bihar zara eta harek serixo-serixo hartu zebe eta eron aitta han ibilli zan guri esaten zela etara bihar giñuan eta holakuak.

Gustoko kantxarrik ba al duzue?

Etxekua, gehixen bertan ibiltzen galako. Batetik bestera diferentzia igartzen

da, Antzuolakua adibidez, latzagua da. Gu Bergaran hobeto ibiltzen gara, haur gehixao erabiltzen danez, hobeto dago.

Nola zaintzen dituzue eskuak?

Ze, neskatan egitteko? -Ikerrek- ez eskua egin egin bihar da, gogortu.

Lehen berbena tortillia ipintzen zan eskuan; arrautzian zuringuakin egindako tortillia izeten zan, miña euki ezkerrean eskutan ipintzen giñuan. Oin masa jistiana juten gara -Unai-.

Datorren urtean Euskal Ligako Ohorezko Txapelketan jokatuko duzue.

Zortzi pareja egongo gara, lau giñupuzkoar, naparrak eta bizkaitarrak eta urtarilletik aurrera hasiko gara jokatzen. Kategorixa gehixago dago liga honetan, onenak dare eta. Beste parejak ezagutzen ditugu baiña ikusiko dogu zer egiten dogun.



Unai eta Iker Elgetan ari dira lau eta erdiko txapelketan.

■ ■ ■
 "Ezta erraza baina... hor gora heltzia, profesioaletara heltzia gustauko jakun"
 ■ ■ ■

LARREA

TABERNA

Kalebarren 17
ANTZUOLA



Juan Cruz



Ezkontza erreportaiak
Jaunartze erreportaiak
Argazkiak

Bitxitegia
Marrokineria
Erojuak

Herriko plaza 4, ANTZUOLA
Tf. 78 70 66



Maria
Piedad
Iturbe

ILEAPAINDEGI
MISTOA
SOLARIUMA

Antigua auzoa 8, behea. ANTZUOLA
Tf. 76 61 86 / 78 71 86 (etxekoal)